



右僉都御史巡撫祁公傳



門下士謝晉撰

祁忠毅公彪佳字幼文山陰人也天啓壬戌進士授福建興化府司李時海寇流劫撫軍檄公捕治得卽斬以徇公所獲脅從輒責釋之惟積盜數人令獄胥善飲食之盜感甚乃復設酒食廡下令醉飽使各陳海上情形盜亦不自意其吐寔也郡中防寇集兵軍糈稍稍羣譁藩使者門郡邑懾息不敢出公挺身往諭皆歛手誠無譁公諭以五日給如數至期往給之衆感戢公復諭以缺糈爾輩私情固當恤犯上朝廷公法不可廢衆搏頽請歿公令自推爲首縛送藩使者治衆遂帖然考選御史福建

道客有賀者。公曰。古云。天下事。惟宰相能行。諫官得言。當言不
言。或言不當。皆負其官。余方以爲懼。何賀也。癸酉。巡按三吳。吳
中宦僕。凌爍小民。成風而義興尤甚。鄉紳陳□□^{一教}其子一鷗。甲
一詞林。勢張甚。僕周文煥。強食怨里。中有年。有陳軾者。俠里中。
憤其豪橫。麗姓。普神。糾衆發難。焚陳室。發其先塚。奸民乘勢。搶
掠幾成大變。公至。卽巡其地。首罪豪奴。次擒亂首。衆憤平。而國
法彰。變由是定。三吳無賴。自署天罡名。肆行郡邑。小民重足。側
目。恣其刀俎。官治以法。則攤賍無辜。人愈益畏之。益盤固不可
治。公至。訪其尤四人。寘諸理。廼大會紳士父老。先講聖諭。旌善

良。次舉四人。徧詢之。咸曰。可殺。卽衆斃之。陳其屍三日。所至有
惡與等。治如之。由此奸人屏跡。復大創扛擡封釘之習。豪強不
得侵佔。扛擡者何。謂素封可欺。猝擡至家。鑊禁勒其獻產。封釘
者何。平民室廬。封之。田釘之也。定解法爲四則。曰。至急。次急。稍
緩。可緩。等級殺其數。每徵輒照限分撥。設籍院司。循環對勘。奸胥
無能。上下其手。捐贖。緩爲長洲。增置役田。清吳縣。隱租以脩荒。歲
無錫。役米以惠解。借華亭義米。置上海役田。時粟適貴。率二石
得田畝。三年子粒足償其數。華亭米不耗散。而上海無田有田。
平漕。免歲省四郡耗。贈金錢十餘萬。至今吏怵民懷之。乙亥。請

告歸家居築亭圃。御板輿日奉太夫人爲歡。不以一牘干有司。遇地方利害所當言。卒言之。累數十百紙不止。庚辰。越薦饑。公條上郡邑分區任文學。稟貸貧民。公親履之。委巷窮山。無不徧者。起補河南道。會東兵大入京師。戒嚴諸計。孝威逡巡淮上。人多沮公行者。公奮不顧身曰。君父有難。卽無召命。當奔赴。况受命掌計。忍以艱險委之。義在死生以之。吾計決矣。遂向淮督史。公可法。乞材官購武健。得十餘人。公戎服介馬。且探且行。與北騎或東西。或先後。若巧相避。然至都爲諸臣先。時劉總憲宗周。金僉憲光辰。以直言譴。公疏留之。上怒甚。責公回奏。公復疏。

釋聖怒以開言路。上亦不之罪。癸未。舉計典。一以虛公爲衡量。無敢一錢自通於門者。銓郎吳昌時。吳中才士也。向依正人有聲譽。廣結納。時上命臺省轉京卿者。必敷歷藩臬。以老其才。昌時卽借以恐喝臺員。舊例外轉二人。昌時欲增額爲八。公曰。上意在鍊材。非外之也。余首篆。請以身先。可破重內輕外習。然事須有漸。無以驟傷國體。昌時陽唯唯。不由公掌篆。移遽推外補者六。公曰。二百八十年職守。自余隳矣。面折昌時於朝。因列疏其事。上下其章。於是蔣御史拱宸。黃御史耳鼎。羣起而攻之。事遂已。計事竣。例陞卿寺。公固請循三差例。刷南畿卷。因便旋里。

時

甲申李自成逼京師急。人勸公引疾。公毅然曰。時危則君臣之義愈切。引疾於此時。身安矣。如吾心何。抵南都而先帝后凶問至。同南樞史公可法等迎。福王監國。王召諸臣議戰守。公獨前對曰。今日之事。戰守固爲要着。然紀法爲立國本。人心尤爲紀法本。亟宜頒大賚。固人心。渙大號。明紀法。王嘉納之。諸臣方上監國璽。復有言宜卽正大位。以定人心者。公昌言於衆曰。若是。則前卽正位可也。今日監國。明日登極。事同兒戲。且諸大帥勸進表未至。或以不預定策爲恥。安保無變。今旣已監國。君臣分定。且令首先受監國之請。其名極正。海內皆知無因以得。

位之心。俟發喪滿服。而後卽大寶。彼時恩澤及人。諸帥推戴。豈非中興大機乎。諸大臣皆是公。而宵小欲速正位。以邀功者。由是不快於公矣。公又詣閣言三事。先帝身殉社稷。謚號須極崇美。監國選后妃。須俟聖母迎至後。臣子遇非常變。不可踰格。陞遷而議者。欲卽授公節鉞。及循例轉京卿。公力辭。因自請原官安撫。會三吳大變。將作人心震駭。衆以公舊有威德。吳咸莫公宜。乃奉勅行。所至設先帝位。集官民紳士。哭臨極哀。見者無不感泣。隨宣詔明君臣大義。又言忠孝心不可昧。忠孝名不可矜。若借劔逆報私讐。假勤王聚不逞。此法所必誅。不以名貸。

也。監國正位。晉寺丞安撫畢。卽留公巡撫。公復力辭。不許。廼上疏云。國難方張。大仇未復。皇上際乾坤再造時。微臣當股肱三輔任。以地形則負海枕江。伏莽揚波。以民力則三空四盡。膏枯髓竭。習俗士囂民悍。吏治文恬武嬉。臣於此不敢自有其身家性命。而與士民將吏共身家不有。何有貨賄。貨賄不有。何有情面。此臣剖心瀝血之誠。矢諸天日也。惟是共濟必藉賢才。固圉必資勁旅。凡請補將吏。調劑軍寔。當圖其所急。倘不稍寬文法。縱盡瘁奚補。時正人尚多在朝右。疏入。如公請。於是始誓師。懸格募技勇。得衝鋒百。選鋒五百。設標營五。營士五百。擇其中習。

兵法善騎射者。爲親將。給廩餼如之。與約。戰則厚糈。者先登。咸挑刀走戟。人賈其勇。一時壁壘旌旗。改觀易色。先是史公可法命劉肇基等四將。統騎數千從征。止京口未行。憤土人不順。已業心恨之。會浙將李大開統兵至。見騎卒攫民瓜菓。心不平。恃勇相激鬪。大開戰歿。遂乘勢焚掠。二鼓報至。公昧爽卽行。時履任甫八日。騎密偵蘇。見軍威甚盛。聞公遄發。卽乘舟遁。水師覆其舟。斬級數十。遂定。公卽單騎至。焚劫地。勞問居民。計戶給金錢償之。時四鎮雖開。藩江北寔耽耽。江左公至京口。相要害。設營堡。沿江百里。不旬日而布置周密。四鎮以書幣來覘公。公却。

其幣報書與陳大義感以至誠。嗣是無一卒渡江擾民者。四鎮中高杰最桀黠。駐師瓜洲。垂涎三吳尤甚。公欲以誠感之。乃剋日渡江與會。杰以公文吏意輕公。及聞公與期會。心嚴公。然意公不敢至。至期風大作。復意公不能至。公輕裘緩帶。從胥史數人。涉風濤。竟至。益駭服公。公至。與握手如平生歡。爲言共獎王室。大義凜然。杰大悅服。曰。杰閱人多如公者。杰甘爲死。公在吳一日。杰敢不如約者。有如水。乃置酒譙公。公以國變辭。爲一飯別。初公將行。有危而止之者。有請設伏金山。脩不虞者。有謀以勇士假胥史從者。公咸笑謝之。至日風起濤湧。衆勸公改卜日。

公曰。吾失信。何以信人。吾爲三吳億萬生靈往。死奚憾。卒如期往。歸舟風益急。屢瀕於危。而公夷然履之。無懼色。又開館禮士。設筍受言。民隱旣上通。而士至者。人人自以爲得。祁公歡畢。獻其謀計。院署池久淤廢。公於軍書旁。午時忽興工。濬之。人莫喻其意。一日謂兄駿佳。曰。吾兄知我者。今寇孽未殄。北欵未就。奸人滿朝。悍師虎視江左。其濟則社稷之靈。不則率將士決一死耳。指所濬池曰。若妻子則歸於此。當是時。公益決一死報國矣。撫吳六閱月。事已有業。馬士英憾劉公宗周。疏其奸邪。疑公與聞。欲并逐公。臺官張孫振先以吳公姓撫。晉時糾其貪。致辟公。

薦才首吳公。因并憾公。阮大鍼本閹黨。顧生杲曾爲文斥之。而公羅杲入禮賢館。由此亦憾公。劉公行而孫振遂疏公。以前緩登極。爲有二心於潞藩。公卽以病告歸。乙酉。僉壬日進朝。右無復正人。公痛曰。江南卽燕都之續矣。乃挈妻子入雲門。爲避亂計。五月。南都不守。公嘆曰。此地頃刻腥羶。安所得西山薇哉。有歿已耳。或言天未厭明德。盍黃冠之天台。觀變事。必不可爲。爲謝疊山未晚。公不可。六月。皇太后至杭。潞藩監國黃公道周請設蘇松督撫。少宰王公志道以公名上。云吳中士民萬口惜公蚤解兵柄。願得一至吳爲士民主。則數萬衆可立集。遂起公少

司馬。協理戎政。總督蘇松方奉旨而北兵至。公仍入雲門。北兵至武林。以書幣聘。有爲公設策三。皆可以遜自全者。公不聽。閏六月初四日。聞檄召諸縉紳渡江。謁見。公密語兄駿佳曰。此其時矣。先是公託言商夫人疾。預敦匠事。至是令密携之。語夫人與子理孫曰。此非辭命所能却。吾念之。非面折不可。若至杭。辭以疾。當得歸也。初五日。携子理孫發雲門。歸梅墅里。時已絕粒三日矣。抵寓園。公季弟象佳猶子鴻孫與祝山人季遠並迎之。公神色暇豫。顧理孫曰。若翁里居無甚失德。但耽玩泉石。營構多。是余過也。昔信國命以文山爲寺。汝亦可承吾志。晚命酌酒。

數卮飯一盃。笑語怡暢。既撤。命理孫曰。適自山中來。跋涉百里。億矣。宜蚤休。為夙興地。吾與汝兄言。少頃就寢。復呼僮僕論之。皆散去。遂與鴻孫季遠談古今忠臣義士。其其慷慨引決。其其從容就誅。其其艱貞蒙難。隱忍圖功。娓娓千餘言。又謂君子愛人以德。細人以姑息。故朋友骨肉。以道義相成。為貴。若人有捐軀殉節志。反沮止之。豈非名教罪人乎。鴻孫唯唯。復謂鴻孫曰。吾不屈死。汝奚若。鴻孫曰。其必有以妥忠魂。兩弟幼。猶子事也。鴻孫去。公復與祝款語。從容及祝家計。惻然解篋中金以贈。已復秉燭登讀書堂。時漏下已二十刻。望南山喟然曰。山川人物。

皆屬幻影。今山川無改。人生倏忽一世矣。又指琴書玩具曰。此亦皆塵跡也。祝微喻其指。輒唯唯。公復笑謂之曰。若可人意者。倘他日吾欲殉節。以手作雉經狀。曰。若能助吾了此乎。祝踧踖謝不能。公笑曰。吾固知若不任也。即瞑目端坐。如僧入定者。良久忽開目曰。若謂死果難耶。如此去。即去矣。夜丙。公謂祝曰。若且休矣。吾艸一書。亦就枕耳。祝遂謝去。公廼啓先大叅公祠。焚香。以文告別。置燭門右几上。留書屬後事。遺言有云。時事至此。論臣子大義。自應一死。凡較量於緩急輕重者。未免褻以私意耳。試觀今日是誰家天下。尚可浪貪餘生。况死生且暮耳。貪且


幕之生。致名節掃地。何見之不廣也。雖然。一歿於十五年前。一歿於十五年後。皆不失爲趙氏忠臣。深心遠識者。不在於溝瀆。自經若余。硜硜小儒。唯知守節而已。臨終有暇。書此數言。繫以一詩。質之有道。詩曰。運會厄陽九。君遷國破碎。鞞鼓襍江濤。干戈遍海內。我生尙不辰。聘書廼迫至。委質爲人臣。之歿諒無二。先後或有時。圖功審機勢。圖功爲其難。殉節爲其易。我爲其易者。聊盡潔身志。難者待後賢。忠義應不異。余家世簪纓。臣節皆罔替。幸不辱祖宗。豈爲兒女計。含笑入九原。浩氣留天地。閏六月初五日。絕筆。字不欹斜。文無點竄。理孫夢中聞啓戶聲。驚起。

錦

求公卒未得有頃。東方漸明。見水際露巾角寸許。亟入水扶出之。則正襟危坐。面莞爾有笑容。衣冠鬚髮無絲毫亂。詩所云含笑入九原。公真不愧乎其言也。

吾隱子曰。余以巳卯歲。獲侍先生。見與人言。恂恂恐傷。雖兒童厮養。命之必霽。顏與語。一何其長厚君子也。然私計與所聞。巡方時。赫赫不類。及見先生。斷大事。決大疑。定大變。言議英挺。若鳥舉風發。雖古人不多讓。又私竊愧余知先生淺矣。先生立朝。諤諤報國。蹇蹇古所稱忠良臣。殆兼之矣。





152